



ᐃᑦᑦᑦᑦᑦᑦ ᐅᑦᑦᑦᑦᑦᑦ
ᐅᑦᑦᑦᑦᑦᑦ

NUTAQQANUT INULRAMIRNULLU
UQAQTIKHAANIK

REPRÉSENTANT DE
L'ENFANCE ET DE LA JEUNESSE

REPRESENTATIVE FOR
CHILDREN AND YOUTH

Titiqivikkut Quiquta 488, Iqaluit, Nunavut, X0A 0H0 | 867-975-5090 (1-855-449-8118) | contact@rcynu.ca | www.rcynu.ca

Tuhaqtitaujukhaq Tuhaqtitauhainnaqtukhaq

October 10, 2018

Ukiuq tamaat Nutaranun Pilaarutini Akittaquti Turaangajuq uvani Nutaraup Pilaarutainni Iliharutikhanun Aullaqtiqtuq Ublumi

Iqaluit, NU — Una hitamaujuq ukiuq tamaat Unipkaarijat, Nipigijat akittaquti pipkaqtitaujuq Nutaqqanut Inulramirnullu Uqaqtikhaanik Havagvianin (RCYO) aullaqtiqtuq ublumi. Akittaquti angmaqhimajuq tamainnin ilihalihaaliqtunun talvunga puqtujunun 12mun Nunavunmi iliharvini.

“Akittaqutini tujuqtaujun pivaktavun qaangiqhimajuni pingahuni ukiuni tujuqtauvaktun tamaanin nunaptiknin. Taapkuat ihumadjutipkaivaktun piliuqtauttiharhajullu,” uqaqtuq Sherry McNeil-Mulak, Nutaqqanut Inulramirnullu Uqaqtikhaanik havakti. “Una ilitturipkaqtitaavut akittaquti piujuq ilihagtun ilihajillu tamaita nakuugijaa. Niriukpiaqtunga takujaami uuktuutinin tujuqtauniaqtut uumani ukiumi.”

Una Unipkaarijat, Nipigijat tunijait ilihagtun pivikhamik ilitturijaami pilaarutimiknik tuninikkullu unipkaamiknik ihumagijamikniklu mighaagun hapkunani pilaarutini. Iliharviit akhuuqhaqtajuq havaqatigiiklutik piliuriami atauttikkuuqtumik hanaujamik, imaakiaq nivingaqtaujukhamik hanaujaqhimajumik, taamna tautungnarniaqtuq ihumagijamiknik, ilikkuuqtunik imaalu/imaaluunniit atauttikkuuq uumani akittaqutim qanurinningani. Qanunginninga uumani ukiup aktittaqutingani unajuq nutaraup pilaarutaa iliharnirun — Article 28, 29lu uvani Nunarjuami Katimaviani *Katimaqjuarutainni ukunani Pilaarutainni Nutaraup*.

“Taimaatun tamaita pilaarutit aajikkiikumik anginigaqtun, havakvikput angiqhimajuq nutarup pilaarutaa iliharnirun nakuujuq pihimajuq uumani ukiup akittaqutaanun, taimaittuni tadjaa havaktauliqtumi ihivriunikkut una Nunavunmi *Iliharutikhanun Maligaq*,” uqaqtuq says McNeil-Mulak.

Tamaita uukturutin uumani ukiumi Unipkaarijat, Nipigijat tujuqtaujukhaq qaangiqtinnaagu 5 pm MST uvani November 9, 2018. Pingahun akimajun iliharvit piniaqtut taktakhamik, ihumaliuqtauniaqtuq iliharvikmin RCYO-kunninlu, aktilaarutiqaqtuq \$500mik. Akimajun akittaqutimi tuhaqtitauniaqtun November 20, 2018mi, Kanadami Nutaqqanun Ubluani. Kanadami Nutaqqanun Ublua ukiuq tamaat ilitarijaujudjuti aliahuutigiplugin Kanadaup sainiutaani Nunarjuami Katimaviani *Katimaqjuarutainni ukunani Pilaarutainni Nutaraup* nutaqqanilu pilaarutainnik.

Akittaqutini maliktakhat, uuktuqvikhani qanurittuni, iliharvikni aturutikhat hulidjutikhallu tujuqtauhimajun tamainnun Nunavunmi iliharviknun hailihimajullu uvani www.rcynu.ca. Aallanik ilitturipkaidjutikhanik akittaqutimi, nutaraup pilaarutainni, havakpaktainnilu RCYO, tamaita Nunavunmiut akhuuqhaqtajuq uqaqatigiipiaqlugit RCYO-kut, akiittumi uvani 1-855-449-8118 Iqalungniluunniit uvani 975-5090.

Aallanik ilitturipkaidjutikhanik:

Kim Foster

Atanngujaq Tuhaumapkaidjutinun Inungnunlu Qaujihimapkainikkun
1-855-449-8118 (toll free) | 867-975-5091 | kfoster@rcynu.ca

Talvuuna Ilauyukharnik Nuttaqqanun Inulramiingitlu Havakviangit (RCYO): Tamna RCYOkut nanmnigiyauyuq nuttaqqanun inulramiinunlu uqaqtiyuq taima naunaiyaiyaangat Nunavut Kavamangit ikayuutikharnik munagiyaangatlu pidjutikhanik ihuaqtumiklu ihumagiyaualuqtunik inulramiinun Nunavunmiutmi. Pulaaqlugut qaritaualiqidjutikhangit uvani www.rcynu.ca